

King County Office of Law Enforcement Oversight (OLEO)

Xafiiska Kormeerka Hirgelinta Sharciga



King County

Waxa aad filan karto marka aad dirayso cabasho liddi ku ah Xafiiska sarkaalka Sheriff ee degmada King County

Xafiiska Kormeerka Hirgelinta Sharciga (Office of Law Enforcement Oversight) (OLEO) waxuu u doodaan danaha shacabka marka uu dadaal u galo in uu wanaajiyo adeegyada Xafiiska sarkaalka Sheriff ee degmada King County (Xafiiska sarkaalka Sheriff) isagoo horumariya caadooyinka hirgelinta sharciga ee caddaaliga ah ee bartamaha ay ugu jirto qiimaynta dhammaan dhacdooyinka aadamaha. Xafiiska OLEO waxuu isticmaalaa xeerasha xirfadeed iyo aragtiyada bulshada si uu dib ugu eego oo uu u bixiyo talooyin lagu wanaajiyo tababbarka, siyaasadaha, iyo caadooyinka Xafiiska sarkaalka Sheriff.

Guudmarka Cabashada



Miyaad u aragtaa in shaqaale ka mid ah Xafiiska sarkaalka Sheriff uu si xun u dhaqmay oo miyaad rabtaa in aad cabato?

Xafiiska OLEO waxuu helaa cabashooyinka ku saabsan eedaha habdhaqanka xun ee shaqaalaha Xafiiska sarkaalka Sheriff. Shaqaalaha xafiiska OLEO ayaa diyaar u ah in ay ka jawaabaan su'aalaha ku saabsan nidaamka ama hawsha cabashada ama waxa lagu dhex daro cabashada. Xafiiska sarkaalka Sheriff ayaa cabashooyinka baara, waxuuna xafiiska OLEO la socdaa oo uu dib u eegaa baaritaannadaas si uu u abaabulo nidaam caddaali ah oo runta lagu raadiyo. Xafiiska sarkaalka Sheriff waxuu mamnuucay in laga aargoosto qof kastoo ka cawda habdhaqan xun.

Xafiiska OLEO waxuu u adeegaa dhammaan dadka ku nool, ka shaqeeya, ama gaadiidka dadweynaha ku isticmaala xaafadaha ama degaanaada uu u adeego Xafiiska sarkaalka Sheriff — war dheeraad ah ka hel bogga ugu dambeeya hagahan.

Yaa cabasho diri kara?

- Qof kastoo ka mid ah shacabka ama shaqaalaha Xafiiska sarkaalka Sheriff ayaa diri kara iyadoo aanan loo eegayn da'da, asalka, ama sharciga haajiraadda.
- Dadku waxay ku caban karaan magac la'aan, oo uma baahna in ay dhacdada ku dhex jireen si ay u cawdaan.
- Cabashooyinka waxaa lagu diri karaa luqad kaste, waxaana diyaar ah adeegyo turjumaad ama afcelin oo bilaash ah.

Maxaad ka caban kartaa?

Xafiiska OLEO waxuu ka shaqeeyaa oo keliya cabashooyinka ku saabsan Xafiiska sarkaalka Sheriff. Arrimaha laga cawdo waxaa ka mid noqon kara, laakiin kuma koobna:

- Kadeedka
- Isticmaalka xoog aanan loo baahnayn ama xad dhaaf ah
- Edebtu (matalan, isticmaalidda hadallo ama muujinta habdhaqan caay ah, dullayn leh, ama sharaf ridis ah)
- Habdhaqanka takoorka leh
- Anshaxa, is khilaafka danaha, iyo waxa u muuqda is khilaafka danaha
- Isticmaalka xun ee awoodda sharciyeed

Sida cabasho loo diro?

- La xiriir xafiiska OLEO haddii aad su'aalo qabto ama si aad cabasho u dirto.
- Adeegyo turjumaad ayaa diyaar ah.
- Foomamka cabashada ayaa ku diyaar ah baraha internetka ee xafiiska OLEO iyo Xafiiska sarkaalka Sheriff, iyo goobta xafiiska OLEO iyo saldhigyada Xafiiska sarkaalka Sheriff.
- Xafiiska OLEO waxuu foomamka cabashada ku diri doonaa boostada marka la codsado.
- Marka aad cabasho ka dirayso saldhigga xaafaddaada ee Xafiiska sarkaalka Sheriff, hubi in aad codsato kormeeraha saldhigga (precinct supervisor). Soo hel saldhiggaaga:
 - <http://www.kingcounty.gov/sheriff>
 - (206) 296-4155 – degdeg ahayn
 - sheriff@kingcounty.gov
- Haddii aad ku nooshahay magaalo qandaraas ka haysata Xafiiska sarkaalka Sheriff, waxaad weliba la xiriiri kartaa madaxa booliiska magaalada, kormeeraha booliiska, ama sarkaal u shaqeeya magaalada si aad cabashadaada u dirto.

Marka aad diyaar tahay, waxaad cabashadaada u diri kartaa xafiiska OLEO ama Xafiiska sarkaalka Sheriff.



Ku dir iimayl



Shakhsi ahaan u gee



Ku dir boostada



Ku sheeg telefoonka

Xafiiska OLEO awood uma leh in uu dib u eego baaritaannada dembiyeed ee Xafiiska sarkaalka Sheriff ama arrimaha la xiriira U sinnaanta Fursadda Shaqada sida takoorka goobta shaqada, haddii aanay khusaynin cabasho ku saabsan jebinta siyaasad ama nidaam.

La xiriir xafiiska OLEO si aad gargaar uga hesho



(206) 263-8870



kingcounty.gov/OLEO



OLEO@kingcounty.gov



King County OLEO
710 Second Ave, Suite 790
Seattle, WA 98104

Waxa Dhacaya Marka Aad Cabasho Dirto



DIRISTA IYO WAQTIGEEDA

Cabashooyinka waxaa loo diri karaa xafiiska OLEO ama Xafiiska sarkaalka Sheriff, oo marka la helo waxaa loo diraa Qaybta Baaritaannada Gudaha (Internal Investigations Unit) (IIU). Qaybta IIU waxay haysataa ilaa 180 maalmood si ay baaritaanka u dhammaystirto.



AQBALIDDA IYO KALASOOCA

Dhammaan cabashooyinka la helo lama baaro. Marka Hoggaamiyaha IIU (IIU Captain) uu dib u eego cabashada, waxaa la sameeyaa baaritaan gogolxaadh ah waxayna qaybta IIU u kala socdaa mid ka mid ah saddexda qaybood ee hoose.



BAARITAANKA CABASHADA

Marka cabasho la geliyo qaybta baaritaanka, waxay qaybta IIU soo ururisaa caddaynta waxayna waraysataa markhaatida.



DIB U EEGISTA XAQIIJINTA AH

Xafiiska OLEO ayaa si madaxbannaan dib ugu eega baaritaanka la dhammaystiray. Xafiiska OLEO waxuu xaqiijin doonaa oo keliya baaritaannada si fiican loo qabtay, aanan eexasho lahayn, ee waqtiga lagu dhammaystiray.




QARAARRADA

Marka la raaco baaritaanka, abaanduulaha Xafiiska sarkaalka Sheriff ayaa go'aamiya haddii siyaasadda Xafiiska sarkaalka Sheriff ama sharciga Gobolka Washington la jebiyey ama lagu xadgudbay waxuuna soo saaraa qaraar. Qaraarku waa sida go'aan ama xukun.



EDBINTA / RAFCAANKA

Haddii cabashada la xaqiijiyo, sarkaalka Sheriff ayaa go'aaminaya tallaabada edbinta ah ee habboon ee la dejin karo.



Ma hubtid waxa aad ku dhex darayso cabashada?

► **Xafiiska OLEO ayaa ka jawaabi kara su'aalaha ku saabsan waxa aad ku dhex darayso cabashadaada.** Shaqaalaha Xafiiska sarkaalka Sheriff waa in ay raacaan siyaasadaha iyo nidaamyada ku jira Tilmaanbixiyaha Amarrada Guud (General Orders Manual) (GOM), oo diyaar ku ah internetka.

www.kingcounty.gov/depts/sheriff/about-us/manual.aspx

Cabashada waxaa ku dhex jiri kara dhowr eedood oo ku saabsan habdhaqanka xun waana in aad ku dhex darto macluumaadka aad ka hayso:

- Taariikhda, goobta, iyo shaqaalaha Xafiiska sarkaalka Sheriff ee ku dhex jiray.
- Faahfaahinta gaarka ah ee ku saabsan waxa dhacay ee la xiriiira eed kastoo khusaysa habdhaqanka xun.
- Markhaatida ama caddaynta suurogal ah in laga hayo cabashada.



Kaalinta uu xafiiska OLEO ku leeyahay la socodka iyo dib u eegista baaritaannada.

Xafiiska OLEO waxuu la socdaa baaritaannada qaybta IIU waxaana dhici karta in uu dib u eego oo uu soo ogaado caddaynta, ka qayb galo waraysiyada, oo uu Xafiiska sarkaalka Sheriff fikrad ka siiyo tayada baaritaannada.

- Marka qaybta IIU ay soo saarto qaraarrada ama natiijooyinka, baaritaanka waa la xiraa waxuuna xafiiska OLEO qaraarrada kala hadli karaa cawdeyaasha, xataa waxa la samaynayo haddii caddayn cusub la soo helo.
- arka la dhammaystiro baaritaanka, xafiiska OLEO ayaa si madaxbannaan dib ugu eega baaritaanka gudaha ee la dhammaystiray waxuuna xaqiijiyaa haddii si fiican loo qabtay, aanay eexasho lahayn, oo waqtiga lagu dhammaystiray..



Xafiiska OLEO waxuu qabtaa hawlo dib u eegis madaxbannaan oo kaladuwan si uu u baaro arrimaha khuseeya aaminaadda shacabka ee la xiriirta hawlgallada Xafiiska sarkaalka Sheriff iyo xirfadlenimada shaqaalihiisa. Xafiiska OLEO waxuu keentaa oo uu shaqo siiyaa dadka uu u adeego Xafiiska sarkaalka Sheriff si uu waxbarasho u bixiyo, u kordhiyo wacyigelinta, una barto walaacyada bulshada iyo waxyaabaha mudnaanta u leh.

Maamulka sharciyeed ee xafiiska OLEO waxaa ku jira dhammaan meelaha uu u adeego Xafiiska sarkaalka Sheriff, xataa adeegyada laga bixiyo xaafadaha aanan la maamulin ee degmada King County, madaarka King County, gaadiidka magaalada ee King County Metro Transit, gaadiidka Sound Transit, iyo saddex iyo toban maamul sharciyeed oo qandaraas ah:

Beaux Arts | Burien | Carnation | Covington | Kenmore | Maple Valley | Skykomish
Muckleshoot Indian Tribe | Newcastle | Sammamish | SeaTac | Shoreline | Woodinville

War dheeraad ah oo ku saabsan shaqada xafiiska OLEO



Dib u eegidda Isticmaalka Xoogga ee Booliiska

- Xafiiska OLEO waxuu daawadaa sida looga shaqeeyo goobaha dhacdada ka dib marka xoogga ay booliisku isticmaalaan uu keeno dhaawac daran ama dhimasho.
- Xafiiska OLEO waxuu dib u eegaa baaritaannada dhacdada khatarta ah waxuuna ka qayb galaa kulannada Golaha Dib u eegista Isticmaalka Xoogga (Use of Force Review Board) ee Xafiiska sarkaalka Sheriff si uu ula socdo hawsha, su'aalo u jeediyo, uguna daro aragti.
- Xafiiska OLEO waxuu ku taliyaa siyaasado iyo caadooyin lagu taageero baaritaannada dhacdada iyo dib u eegisyada isticmaalka xoogga ee tayada leh.



Hubinta Kordhinta Kalsoonida lagu qabo Baaritaannada Habdhaqanka xun

- Xafiiska OLEO waxuu la socdaa oo uu dib u eegaa sida Xafiiska sarkaalka Sheriff uu uga shaqeeyo cabashooyinka waxuuna ku dhiirrigeliyaa baaritaannada si fiican loo qabto ee aanan eexasho lahayn.
- Xafiiska OLEO waxuu ka qayb galaa waraysiyada uu Xafiiska sarkaalka Sheriff la yeesho cawdeyaasha iyo shaqaalaha ay khusayso waxuuna jeediyaa su'aalo marka loo baahdo.
- Sanad kaste, waxuu xafiiska OLEO ka warbixiyaa tirada baaritaannada Xafiiska sarkaalka Sheriff ee buuxin waaya xeerasha uu u dejiyey baaritaannada si fiican loo qabto ee aanan eexasho lahayn.



Fikradda Bulshada oo La dhexgeliyo Siyaasadaha Xafiiska sarkaalka Sheriff

- Xafiiska OLEO waxuu la tashadaa bulshada si uu u soo ogaado una baaro walaacyada laga qabo caadooyinka Xafiiska sarkaalka Sheriff oo uu ku taliyo meelaha la wanaajin karo.
- Xafiiska OLEO waxuu Xafiiska sarkaalka Sheriff siiyaa talooyin ku saabsan siyaasadaha taasoo loo maro dib u eegisyo nidaamka lagu sameeyo oo lagu baaro caadooyin gaar ah, waxaana weliba loo maraa dib u eegis lagu sameeyo siyaasadaha Xafiiska sarkaalka Sheriff ee wax laga beddelayo (kuwaasoo sarkaalka Sheriff waajib ku ah in uu xafiiska OLEO fursad u siiyo in uu dib u eego ka hor inta uusan ansixinin).



Beeridda Fikrad bixinta iyo Ka qaybgelinta Shacabka

- Xafiiska OLEO waxuu bulshada ka qayb geliyaa hawsha si uu iskugu dayo in uu wax ka barto aragtiyada shacabka taasoo uu u adeegsado hab lagu hagi karo shaqada xafiiska OLEO iyo waxyaabaha mudnaanta u leh.
- Xubnaha ka mid ah Guddiga Talobixinta Bulshada ee Kormeerka Hirgelinta Sharciga ee xafiiska OLEO ayaa noqda xiriirro lala yeesho bulshada si loo baaro waxa lagala kulmo adeegyada Xafiiska sarkaalka Sheriff iyo sida ay u saameeyaan shacabka.
- Xafiiska OLEO waxuu wararka cusub iyo macluumaadka ku saabsan shaqadayada ku soo saaraa bartayada internetka, ogaysiisyada la siiyo bulshada, iyo warsidaha elektaroonigga ah – **OLEO Insider**.



Xaajaynta Xal Wax lagu saxo oo loo helo Murannada

- Xafiiska OLEO waxuu la shaqeeyaa Xafiiska sarkaalka Sheriff si uu ugu deeqo barnaamijka Xallinta Muranka ee Nooc kale ah (Alternative Dispute Resolution) (ADR) kaasoo ay qolo kale oo aanan dhinac raacsanayn ku suurtoogeliso wadahadal ikhiyaar loo leeyahay oo dhex mara xubnaha bulshada iyo shaqaalaha Xafiiska sarkaalka Sheriff oo ku saabsan cabashooyinka si loo kordhiyo isfahanka qolooyinka ama dhinacyada.

La xiriir xafiiska OLEO si aad gargaar uga hesho



(206) 263-8870



kingcounty.gov/OLEO



OLEO@kingcounty.gov



King County OLEO
710 Second Ave, Suite 790
Seattle, WA 98104